



INUIT ATAQATIGIIT INATSISARTUNI

Ulloq: 22. august 2008

Inatsisartut Suleriaasianni § 36, imm. 1 naapertorlugu Naalakkersuisunut apequtit imaattut matumuuna saqqummiuppakka:

- 1. Ilimmarfimmi nalinnaasumillu ilisimatusarnermi paasisat ilisimalikkallu innuttaasunut annerpaamik iluaqutaanissaat atorneqarnissaallu anguniarlugu, inuiaqatigiinnut paasisutissanik nutaarsiassanik ingerlatitseqqivissamik pilersitsinissamik Naalakkersuisut pilersaaruteqarnerlutik?**
- 2. ”Polarfronten” kalaallisut saqqummersinneqartalernissaanik Naalakkersuisut pilersaaruteqarnerlutik? Imaluunnit Naalakkersuisut isumaqarpat danskit Naalakkersuisuisa tamanna akisussaaffigigaat?**
- 3. 31. oktober 2007 Naalakkersuisut Inatsisartunut ilaasortamut Asii Chemnitz Narup-ip apeqqutaanut akissuteqarnerminni erserpoq Naalakkersuisut isumaqatigigaat ilisimatusarnikkut paasisat sapinngisamik annertuumik aalajangiisartunut aammalumi innuttaasunut anggussinnaannqortinneqartassasut. Tamatumani apeqqut kalaallit oqaasii atorlugit saqqummersitsisarneq qitiuvoq. Naalakkersuisut taamattumik isumannaarniarnerarpaat Inussuk-kkut saqqummersitat siunissami danskisut, tuluttut kalaallisullu saqqummersalissasut. Pilersaarutit Naalakkersuisullu iliuuserilersaagaat sumut killippat?**

(Inatsisartunut ilaasortaq Juliane Henningsen, Inuit Ataqatigiit)

Tunngavilersuut:

Nunani issittuni aatsaat taama ilisimatusartoqartigaaq, Nunanut Issittunut Ukiorititaasut nunat issittuniittut nunarpullumi immikkut sammineqartippaat. Ulluni makkunani nunani issittuni silaannaap allanngoriartornera qitiutillugu Nuummi ataatsimeersuartoqarpoq, taamaattumillu apeqqut manna tulluarluinnarpoq qaqissallugu.

Ilimmarfik ullumikkut siunissamilumi ilisimasanut ilisimatusarnermilu paasisanut tunngatillugu qitiulluinnartutut inissisimasussaavoq. Taamaalilluni Ilimmarfik inuiaqatigiit ineriartornerannut qitiulluinnartussaavoq, taamaattorli tamanna iluatsittumik ingerlassappat pingaaruteqarpoq ilisimalikkat inuiaqatigiinnut siammarterneqartarnissaat. Tamanna ataavartumik aaqqissuussamillu Ingerlasariaqarpoq, nalunanngitsumillu aningaasanik naleqartussaalluni.

Inuit Ataqtigiit pingaartippaat, ilisimatusarnikkut paasisat nalunaarusiallu kalaallit oqaasii atorlugit aamma siammarterneqartarnissaat. Minnerunngitsumillu pingaaruteqarpoq tamanna paasiuminarsakkamik ingerlanneqarnissaa.

Ilisimatusarnermi paasisat inuiaqatigiinnut iluaqutaalluassappata siammarterineq qitiulluinnarpoq, Inuit Ataqtigiinnilu isumaqarpugut nunatsinni immitsinnut eqqaasittariaqartugut, nunaqaratta assigiinnngissitaarfioqisumik, isumaqarpugullu ulluinnarni sulitsinni tamanna puigoqqajaasaripput. Oqaatsitigut innuttaasut assigiinnngissitaqisumik piginnaasaqarput, inuiaqatigiinni ilinniarsimasutsikkut appasittumik inissisimanerput nalinginnaasumillu tusagassiutitigut qaammarsagaaneq - taakkuupput apeqqutinut saqqummiussatsinnut isummernermi aallaaviusariaqartut.

Apeqquteqaat aallaavigalugu oqallinnermi qulaani atsiortup saqqummiussaani, ukiakkut ataatsimiinnermi 2007 Peqqissutsimut Naalakkersuisoq, Siumut, Atassut kiisalu Demokraatit Inuit Ataqtigiit ilisimatusarnermi ilisimalikkat inuiaqatigiinnut paasiuminarsakkamik ingerlateqqinneqartarnissaannik oqariartuutitsinnut isumaqataallutik nalunaarput. Taakkuulluta isumaqatigiissutigaaqarput inuiaqatigiinni amingaatigigippat inuiaqatigiinnut aaliangiisartunullu paasisanik aaqqissuussamik ingerlatitseqqiisarneq, oqaatsit qallunaatut kalaallisullu atorlugit.

Taamatutaaq partiit arlallit tikkuarpaat ilinniartitaanikkut ilisimatusarnerup iluaqutaalluarsinnaanera, tamannali aamma piumasaqarpoq ilisimatusarnermi paasisat atuartitsissutissanngorlugit aaqqissuunneqarnissaannik.

Taakkartorneqartunut isummiussanullu Naalackersuisut aningaasaliinissaminnut piareersimanerlutik?